

तिमोतिनेनाहकु किर्स्तुना बळयि पोलु लोहतदु मुनेता सीटि

इद सीटटुन रासवाल किर्स्तुना बळयि पोलु आंदोग. पोलु इद सीटटुन, तिमोति इनवाल लेयोनेनाहक रासिह्तोग. वेग तिमोतिना तपे युनानि जाततोग मतोग, ओना तलोग बार यहदि जातता मता. वेग तिमोतिना नाटे, पोलु तना सेवातुहक वातस्के, इर्वुरा कलियमुळ आता (बळयिर 16:1-3 ऊळाट). ताना पया तिमोति पोलुना सेवाते तोळ आंदोग. पया पोलु तिमोतिन इपिसुसतोर विस्वसिरा मुडुन ताकिह कीयलाह तासतोग.

पोलु इद सीटटुन बाराहक रासतोग इतेके, इपिसुस सहरता विस्वसिरा मुडा नडुम, जोल कागहवालोर मतोर. ओरा लोप्पा बेद्रम उसर मनदना, येसुना सेवा बेद्रम कीयना इनजोर, पोलु तिमोतिन वेहतह्तोग. ओसो विस्वसिरा मुडगा आस्क-कोयतोर बेद्रम मनदना, मुक्यालोर ओसो सेवा केवालोर बेद्रमतोर मनदना, रांडे आस्कना बेद्रम तोळ ईयना इनजोर वेहतह्तोग. अहे ओसो किर्स्तुनाड पोल्लोन विस्वसिरिहक बेस-नेहना कागहतलाह, पोलु इद सीटटगा तिमोतिन वेहतह्तोग.

तिमोतिहक पोलुना जोहर

1 नना पोलुनन इद सीटि रासवानन. माक पिसिह कीतद देवुळि, ✨ ओसो माक आसा एवाल येसु किर्स्तु, ✨ वेर इर्वुर नाकु येसु किर्स्तुना बळयि आयना इन्जि तासतोर. ✨

2 तिमोति, नीके नना इद सीटि रासिहनन. विस्वसताड पोल्लोन निमा नयगडाहि कागयसोर वातिन इन्जि, निमा नावाये मगना लेहकाडोनिन. ✨ मावा देवुळबाबाल ओसो मावा येसुसामि किर्स्तु, नीकु देव्या ईयिर, जीवा लोपिर, अह आसि निमा सुकमते पिसा. ✨

जोल कागहवालोरिन रोमिह कीयनदु

✨ 1:1 1:1 तीतुस 1:1-4 ✨ 1:1 1:1 तीतुस 2:13 ✨ 1:1 1:1 रोम सहरतोर 1:1; तीतुस 1:1-4 ✨ 1:2 1:2 2 तिमोति 1:1-2 ✨ 1:2 1:2 रोम सहरतोर 1:6-7; यहदाल 2

3-4 इंजेके इपिसुस सहरते उय्त्र लोकर जोल कागहवालोर मन्हतोर.✧ ओरु जोला-जमाताड लेकाड-जोकाड कीसि, लाट-लाट साम्रहक पुटिह कीस वेहतहतोर.✧ अवटे जग्ळा-बोबाये पुटिहता.✧ मति विस्वस कीतेकेने, देवुळताड विचर्कु करल आयनुड. अदिनेनाहकु इपिसुस सहरताहि, मकिदुनिया पटटके दायलाह पेसतन अस्के,✧ “तिमोति, निमा इगाने मन्जि, वेर जोल कागहवालोरिन रोमिह कीम,” इनजोर नीक वेहच मतन.

5 ओरिन बाराहकु रोमिह कीयलाह वेहतन इतेके, अगा विस्वसिर जग्ळा-बोबा केवालेवा, गूनमते मनदना गावले. गूनमते मनदना इन्जि, बेसताड विचर्कु, नेहना-लाग्वा पुन्जि ताकनद बुदि,✧ ओसो देवुळतगा सेतेमता विस्वस मनदना गावले.✧

6 इविन विळिसिसि, ओर जोलताड कागहवालोर उगसता वळहकमुळतके मिळन्दतोर.✧

7 ओरु मोसानाड अडोड कागहवालोर गूस आयलाह ऊळिहतोर. मति ओर पका पुतोर लेहका वळहकतेकाय, ओर बाताड कागहतहतोर, अद ओरिहके तेळियो.✧

8 मोसानाड अडोड बेसे मन्हताड इनजोर माट पुहनल,✧ मति अविस्किन बराबर कागहतना गावले.

9-10 इद पोल्लो माक एर्का मन्हता इतेके, सेतेमतोर मन्कलोरनाहक काय्दा तासोर.✧ मति काय्दातुन माळवोरु, कैगम आयवालोरु,✧ देवुळतुन नमवोरु, पाप्यहलोरु,✧ देवुळतके सीता केवोरु, देवुळतुन मान एवोरु,✧ तलोग-तपेन हक्कवालोरु, मन्कन हक्केर, सिङ्गि-साट्याल आयवालोरु,✧ आंचाळ-कोय्तोग कलियतपु कोय्तोना संगे कोय्तोग मनवालोरु,✧ मन्कन कलिस वमवालोरु,✧ जोलहालोरु, जोल साक्सि एवालोरु,✧ ओसो बोराय सेतेमता कागहमुळतुन✧ माळवोरु, वेरा लेहकाडोरनाहके काय्दा तासिहतोर.✧

✧ 1:3-4 1:3-4 रोम सहरतोर 16:17; 2 कुरिततोर 11:4; गलातितोर 1:6-7 ✧ 1:3-4 1:3-4 4:7; 2 तिमोति 4:4; 2 पत्रु 1:16 ✧ 1:3-4 1:3-4 6:3-4; 2 तिमोति 2:23 ✧ 1:3-4 1:3-4 रोम सहरतोर 15:26 ✧ 1:5 1:5 3:9; 2 तिमोति 1:3; इब्रितोर 13:18; 1 पत्रु 3:16,21 ✧ 1:5 1:5 2 तिमोति 1:5; 2:22 ✧ 1:6 1:6 तीतुस 1:10 ✧ 1:7 1:7 याकुब 3:1 ✧ 1:8 1:8 रोम सहरतोर 7:12,16 ✧ 1:9-10 1:9-10 गलातितोर 5:22-23 ✧ 1:9-10 1:9-10 तीतुस 1:10 ✧ 1:9-10 1:9-10 1 पत्रु 4:18; यहूदाल 15 ✧ 1:9-10 1:9-10 2 तिमोति 3:2 ✧ 1:9-10 1:9-10 1 कुरिततोर 6:9 ✧ 1:9-10 1:9-10 लैव्यवस्था 18:22 ✧ 1:9-10 1:9-10 मन्कन कलिस वमवालोरु पेसमुळि 21:16; यहजेकेल 27:13; तोहचीतव पोल्लोड 18:13 ✧ 1:9-10 1:9-10 तोहचीतव पोल्लोड 21:8,27; 22:15 ✧ 1:9-10 1:9-10 4:6 ✧ 1:9-10 1:9-10 यहूदाल 15

11 इद सेतेमता कागहमुळ इतेके, मावा कूब असलता, डीसाता देवुळता बेसता कबुर आंदु. ✨ इद बेसता कबुर दुस्रोेरिन वेहतलाहि, देवुळ नाकु निल्लिह कीता. ✨

पोलु देवुळता बेरा देव्वाता लोप्पा वेहतह्तोग

12 नीवा पोगोन नना बर्वस तास पगयकन इन्जि, मावा येसुसामि किर्स्तु तना बेसता कबुर वेहतनद सेवातेनाहक, नाक निल्लिह कीतोग. ✨ अद सेवा कीयलाह, लाव वने ईतोग. ✨ अदिहक निमा बेचोनु गूनम तोहवानिन सामि इन्जि, ओन इहनन.

13 ननान कोनि मुने येसुन उस्किस-पास्किस वळहकतोनन, येसुनोरिनु तिपल कीतोनन, ✨ पका मोर्दीप मन्कनन मतन. तेला मति, पुनवालेवा ओग इद्रमताड कबस्क कीस्तोग, इंकातेला ओग नाक नमोग इन्जि, ✨ किर्स्तु येसुसामि नाक दया कीतोग.

14 ओसो बल्क अरतपु, ओग नाक देव्वा ईतोग, अह आसि इंजेक नावा ओनगा विस्वस मन्हता, ओनगडाहि जीवा कीयनद बुद वाता. ✨

15 इदिन बह सीता कीम: पापि लोक्ुरिन पिसिह कीयलाहि, येसु किर्स्तु इद बूमते वास मतोग. ✨ इद पोल्लो सेतेमताये, इदिन माट पेःके-मुने आयवा, नम पगयहनल. पापि लोक्ुरगडाहि, ननान कोनि मुक्यानन आंदन. ✨

16 मति अदिनेनाहके येसुसामि नाक दया कीतोग. नना पापि लोक्ुरगडाह मुक्यानन मन्ज तेला, नावा पापमताहि नना मल्स वायलाह, येसु किर्स्तु वेल्लाजोमताह केपसोर मतोग. ✨ पया नयिद्रमतोर पापि लोक्ुरिन इंका, येसुसामि मापि कीस्तोग, तान ऊळिसि दुस्रोेर वने ओन नमलाह आयनुर. नमिसि ओरिहक ओना संगे अमेसाता पिसमुळ दोर्कसोर दायगा, इद्रम येसुसामिना विचर मता. अदिनेनाहक नाक इंका ओग गूनम तोहतोग.

✨ **1:11 1:11** 2 कुरिततोर 4:4 ✨ **1:11 1:11** गलातितोर 2:7; 1 तिमोति 2:7; तीतुस 1:1-4 ✨ **1:12 1:12** बळयिर 9:15; 1 कुरिततोर 3:5 ✨ **1:12 1:12** पिल्लिपितोर 4:13; 2 तिमोति 4:17 ✨ **1:13 1:13** बळयिर 8:3; 9:1 ✨ **1:13 1:13** बळयिर 26:9 ✨ **1:14 1:13-14** रोम सहरतोर 5:20; 1 कुरिततोर 3:10; गलातितोर 1:13-16; 1 तिसलुनितोर 1:2-3; 1 तिमोति 2:15; 4:12; 6:11; 2 तिमोति 1:13; 2:22; तीतुस 2:2 ✨ **1:15 1:15** मत्याल 1:21; मार्कल 2:17; लूकाल 15:1-32; 19:10; रोम सहरतोर 8:3 ✨ **1:15 1:15** 1 कुरिततोर 15:9 ✨ **1:16 1:16** रोम सहरतोर 2:4; इपिसुसतोर 2:7

17 अदिहकुकु मावा अमेसा मनदनदु, बेस्केन मायवदु, मन्कहकुकु दिसवदु*
देवुळराजाल, अदे सेतेम देवुळ इनजोरे,* तान्कु अमेसा-अमेसातुहक मान आयि,
जोहर आयि. अहे आयि.*

तिमोतिना जबब्दरि

18 इंजेके तिमोति नावा पेकानिन, पोगोन रासतद बेद जबब्दरि नीक ईतन, अद
पूना पोल्लो आयो. इतेके मुने देवुळता कबुरतोर नीवा लोप्पा बाताड बाताड
वेहतोर,* अहलेहकाने नना नीकु इव पोल्लोड वेहतहनन. इव पोल्लोनु सीता
कीतेके, निमा जोल कागहमुळतुनु विस्द कीसोर मनदा पगयकिन.*

19 येसुनगा कीतद विस्वसतुन विळसवा, नेहना-लाग्वा पुन्जि ताकनद बुदतुन
पोसि, निमा वेहचोर अन.* इद्रमता बुदतुन विळिससि, उयतुर लोक्कुर तमा विस्वसतुन
मुळ्हचीतुर.*

20 ओरा नडुमि अगा उमनेयाल,* सिकंदर,* वेर ईवुर मन्कलोर मन्हतोर.
ओरु किर्स्तुना मुडुन कलियना आयो इनजोरे, नना ओरिनु गळ्किहकुकु पेहचीतन.
देयहकना मुख्याल ओरिन बह कीयना, कीयि,* अस्के देवुळतुन उस्किस-पास्किस
वळ्हकनदायो इन्जि, ओरिहक बुद वायगा.*

2

मोळ्कनदिना लोप्पा अडोड

1 इह केंजा, नीक नना वेहतहनन. सबेटोरेनाहक पार्तना कीयना, सबेटोर
पापमताहि पिसना इन्जि देवुळतुन ताल्हकना,* देवुळ माक बेस ऊळता इन्जि जोहर
कीयना, इदे मोदुल पोल्लो आंदु,* इदिन निमा कागहतना गावले.

2 राजालोर ओसो अदिकरते मनवालोर सबेटोर, बेसता बुदते राजेमतुन काळडना
इन्जि, ओरेनाहक वने पार्तना कीयना गावले.* अस्के माट रेयलेवा देवुळ वेहतव

* 1:17 1:17 कुलुसितोर 1:15 * 1:17 1:17 योहन 5:44; 1 तिमोति 6:15 * 1:17
1:17 रोम सहरतोर 11:36; 1 तिमोति 6:16 * 1:18 1:18 4:14 * 1:18 1:18 2
कुरिततोर 10:4; 1 तिमोति 6:12; 2 तिमोति 2:3-4; 4:7 * 1:19 1:19 3:9; तीतुस 1:9
* 1:19 1:19 2 तिमोति 2:18 * 1:20 1:20 2 तिमोति 2:17 * 1:20 1:20 2
तिमोति 4:14 * 1:20 1:20 1 कुरिततोर 5:5 * 1:20 1:20 1 कुरिततोर 11:32
* 2:1 2:1 इपिसुसतोर 6:18 * 2:1 2:1 पिलिपितोर 4:6 * 2:2 2:2 एजा 6:10;
रोम सहरतोर 13:1

अडोने तिरिय पगयकल, दुस्रो रिहक विचर वानाह ताक पगयकल, अह आसि मावा मनमुळ सुकमते दायगा.

3-4 कतमतोरे देवुळता सेतेम पोल्लोतुन पुन्जि, ✧ पापमताहि पिसलाह तनेके मिळन्दना इन्जि, देवुळता विचर मन्हाता. ✧ अदिहकु इद्रमलेहका पार्तना कीयनदु, माक पिसिह कीयनद देवुळतुहकु बेस विचर वास्ता.

5 उंदिय देवुळ मन्हाता, ✧ ओसो मन्कलोरिन देवुळतगा कलियिह केवाल, वगोगे मन्कल मन्हतोग, इतेके येसु किर्स्तु. ✧

6 माट पापमते दोहतप मतल, मति वेग तना जीवाता कर्सा ईसि, माक विळिसह कीतोग. ✧ (अदिनेनाहक कतमतोर पापमताहि पिसना इन्जि, देवुळता विचर मन्हाता.) इद पोल्लो सबेटोर लोकरिन पुन्पिह कीयनद कगो इंजेक एवता. ✧

7 अदिनेनाहक इद सेतेम पोल्लोतुनु, यहुदि आयवोर वने नमना इन्जि, निमा ओरके अन्जि वेहवाल-कागहवाल, नावा बळयिनिन आयकिन, इह इनजोरे देवुळ नाक लोहता; ✧ नना जोल वळहकोन, सेतेमे वेहतहनन. ✧

8 पया बेगा बेगा मावोर विस्वसिर मोळकलाह कलियिहतोर, मोळकनस्के कोय्तोर ओड आयवा, वहचळ आयवा, सेतेमता जीवाते, कय्किन तेहचि, ✧ देवुळतुन पार्तना कीयना इन्जि, नावा विचर मन्हाता.

9 अद्रमलेहका आस्क बारा नना मलियकन इन्जि, गेंदेड उहतनद आयो, सिंड्रिड-पोहळेस्कना लेहका उहतनद आयो. केलिकन एंडिसि सोनोड-कूरोड, मोतिड केगयना ओसो मिळस्कनव गेंदेड उहतना, इद्रमता सोबाता पोमाडेड केमाकिड. ✧

10 अद्रम मलियवा, माट देवुळतुन नमिस ताकनविस्कनोम इन्जि, अवु नेहनाड कबस्क कीयनद. इद्रमतेने अविस्किहक सोबा आयगा.

11 मीट मोळकलाह जमा आयहनिर अस्के, बोगाय देवुळता पोल्लो कागहतनस्के, आस्कू पूरा वग्डिसि, केमेन मन्जि कगयिड. ✧

✧ **2:3-4 2:3-4** 2 तिमोति 2:25; तीतुस 1:1-4; इब्रितोर 10:26 ✧ **2:3-4 2:3-4** यहजेकल 18:23,32; योहन 3:17; 1 तिमोति 4:10; तीतुस 2:11; 2 पत्र 3:9 ✧ **2:5 2:5** रोम सहरतोर 3:30; 1 कुरिततोर 8:4 ✧ **2:5 2:5** मत्याल 1:1; रोम सहरतोर 1:3-4; 5:15; 1 कुरिततोर 8:6; गलातितोर 3:20; 1 योहन 2:1 ✧ **2:6 2:6** मत्याल 20:28; मार्कल 10:45; गलातितोर 1:4; तीतुस 2:14 ✧ **2:6 2:6** मार्कल 1:15; गलातितोर 4:4; 1 तिमोति 6:15; तीतुस 1:1-4 ✧ **2:7 2:7** बळयिर 9:15; 1 कुरिततोर 9:1; 1 तिमोति 1:11 ✧ **2:7 2:7** रोम सहरतोर 9:1-3 ✧ **2:8 2:8** देवुळताड पाटाड 24:4; 63:4; लूकाल 24:50; याकुब 4:8 ✧ **2:9 2:9** 1 पत्र 3:3-4 ✧ **2:11 2:11** 1 पत्र 3:2

12 मीटु कोय्तोरिन कागहमाटु, ओरा पोगोन अदिकर ताकिह केमाटु. कोय्तोर देवुळता पोल्लो कागहतनस्के, मीट केमेन उदिसि केंजाटु इन्जि, नना आस्किन वेहतहनन.*

13 नना इद बाराहकु वेहतहनन इतेके, आदमिन देवुळ मुने पंडटा, अवान बारा पया पंडटा.*

14 ओसो आदम कोनि नाळेम आयोग, आंचाळ बारा नाळेम आसि कसुरतद आता.*†

15 मति आस्कु कुदताड विचर्किन आव्रे कीसि, येसुसामिन नमसोरे, दुसोरिन गूनम तोहचोरे,* देवुळतुन रेयिस ताकसोर मतुड इतेके, अविस्किहक देवुळता पिसमुळ दोर्कगा. तमाड पिलाड-पेकोरिन बेस आयहपा, (मुनेता आंचाहक ईतद नोपता सरप दल्यतेक तेला,)*‡ अबु तमा विस्वसतेनाहक पिसनुड.

3

विस्वसिरा मुडगा बेद्रमतोर मुक्यालोर तासना

1 बोराय विस्वसिरा मुडगा मुक्यानन आयकन इनजोर ऊळिहतोर, ओरा विचर बेसतलिये, इद पोल्लो सेतेमताये.*

2 बेद्रमतोग मुक्यान निल्पिह कीयना इतेके, ओनगा कसुर दिसवप मनवाल, दुस्राड बेविस्किने ऊळवा उंदिय मुतेन पोस मनवाल,* बेस बुदते तिरियवाल, तनाड विचर्किन आव्रे कीस ताकवाल, सबेटोरिहक विचर वानाह ताकवाल,* बोरे आयि ओना लोन वातेके ओरिन बेस ऊळवाल,* देवुळता पोल्लो बेस कागहवाल,* इद्रमलेहका मनदना गावले.

3 ओग कल लोटि मनदनद आयो, नल्हतना-कोहकना केवाल मनदनद आयो, वहचळ केवाल मनदनद आयो,* मति गूनमते वळहकवाल मनदना,* ओसो कोताना लालुस मनदनद आयो.*

* 2:12 2:11-12 1 कुरिततोर 14:34; तीतुस 2:5 * 2:13 2:13 पुटमुळि 2:18-23 ऊळाट. † 2:13 2:13 पुटमुळि 2:7,22; 1 कुरिततोर 11:7-9 * 2:14 2:14 पुटमुळि 3:6,13; 2 कुरिततोर 11:3 ‡ 2:14 2:14 आदम इतेके, पुन्जि-वेन्जि कसुर कीस मतोग. * 2:15 2:15 1:14 † 2:15 2:15 पुटमुळि 3:16 ऊळाट. * 3:1 3:1 बळयिर 20:28 * 3:2 3:2 5:9 * 3:2 3:2 तीतुस 2:2 * 3:2 3:2 रोम सहरतोर 12:13; 1 तिमोति 5:10; इब्रितोर 13:2 * 3:2 3:2 2 तिमोति 2:24; तीतुस 1:6-8 * 3:3 3:3 2 तिमोति 2:24 * 3:3 3:3 तीतुस 3:2 * 3:3 3:3 6:9-10; 2 तिमोति 3:2; इब्रितोर 13:5

4 मुक्यानाडः पिलाड-पेकोर इतेके, ओना पोल्लोते वरेम आसि, ओन पूरा कदर ईसि ताकना, इद्रमलेहका ओगु तना लोतोरिन बेस तिर्हता गावले.

5 (तनाय लोतोरिन ओन्क तिर्हतालाह वायो इतेके, देवुळता मुडुन ओगु बह तिर्हता पगयनोग?)

6 ओगु वेल्लाजोमताहि येसुसामिन नमिस ताकवाल मनदना गावले. पूना-पूना विस्वसते वातोनु मुक्याल तासमा. तासतेके (“नना सबेटोरिहकाय नेहना मन्कनन इन्जि, ओर नाक मुक्याल आयलाह तासतोर,” इद्रम इनजोरे,) ओगु पोमाडेड आयनोग बहे. ✧ अस्के देयहकना मुक्याहक ईतद सिक्सा इद्रमतोन्कु वने दोर्कगा, (बह इतेके अद वने नना बेरोनन इन्जि, देवुळताहि एगता).

7 येसुन नमवोर वने, ओगु कर्तुळ मन्कल इन्जि ऊळनुर, इद्रमलेहका मुक्याल ताकना गावले. ✧ अद्रम ताकवेके, ओना लजा दायगा, (अस्के ओनाड बोरे केंजोर आयनुर). इद्रम आयना इन्जि, देयहकना मुक्याल ऊळसोर मन्हता. ✧

विस्वसिरा मुडगा बेद्रमतोर सेवा केवालोर तासना

8 अद्रमलेहका विस्वसिरा मुडगा, सेवा केवालोरिन* वने तासनदु. ✧ बेद्रमतोर सेवा केवालोरिन निल्पिह कीयना इतेके, नाटेनोर ओरिन कदर एवालोर मनदना गावले. ओरु कल लोटिर मनदनद आयो, ✧ नाळेह कीस तिनवालोर मनदनद आयो. ✧ ओसो ओरगा रेंड वेंजेहकना बुद मनदनद आयो.

9 ओरु किर्स्तुना लोप्पा देवुळ पुन्पिह कीतव पोल्लोन पोसि नमसोरे, जीवाताहि सेतेमते ताकना गावले. ✧

10 मुक्यालोरा लेहका, सेवा केवालोरिन वने, मुने पर्हकिस ऊळना गावले. पया ओरगा बाताले तप दोर्कवेकेने, ओर विस्वसिरा मुडगा सेवा केवालोर आयिर. ✧

11 अद्रमलेहका सेवा कीयनवु†, नाटेनोर कदर ईयनव मनदना, कूदिड अनववु, ✧ बेस बुदते तिरियनवु, सबे पोल्लोने सेतेमते मनदना गावले.

12 सेवा केवालोर इतेके, दुस्त्राड बेविस्किने ऊळवा उंदिय मुतेन पोस मनवालोर, तमाडः पिलाड-पेकोरिनु, तमाडः लोहकने मनवालोरिन बेस ताकिह केवालोर आयिर.

✧ 3:6 3:6 6:4; 2 तिमोति 3:4 ✧ 3:7 3:7 बळयिर 6:3; 16:2; 2 कुरिततोर 8:21

✧ 3:7 3:7 6:9-10; 2 तिमोति 2:26 * 3:8 3:8 सेवा केवालोरिन इंग्रजिते अद्रमतोरिन “डीकन” इन्हतोर. ✧ 3:8 3:8 पिल्लिपितोर 1:1 ✧ 3:8 3:8 तीतुस 2:3 ✧ 3:8 3:8 तीतुस 1:7; 1 पत्र 5:2 ✧ 3:9 3:9 1:5,19 ✧ 3:10 3:10 5:22 † 3:11 3:11 सेवा कीयनवु “ओराड मुतेस्कु” इद वने आया पगयहता. ✧ 3:11 3:11 2 तिमोति 3:3; तीतुस 2:3

13 विस्वसिरा मुडगा बोर बेस-नेहना सेवा कीस्तोर, ओरा पेदिर पेसगा, किर्स्तु येसुनगा ओरा विस्वस पका मेग्कगा.✧

इद सीटटा लोप्पा पोलु वेहतह्तोग

14-15 इंजेके नियके चट्टिपेट वायकन इन्जि, नावा आसा मन्हता.✧ मति बहाय आसि, आल्सेम आतेक बारा, इद सीटि नीक रासिसीय्हनन. देवुळता लोतोर बेद्रम ताकना, तेन निमा पुनदना इन्जि, इव पोल्लोड नीक वेहतह्नन. देवुळता लोतोर बोर इतेके, किर्स्तुन नमवालोर जीवात मनदनद देवुळता मुलु.✧ बेद्रमलेहका रायिना, जोताना, आदरते लोन नितहता, अद्रमलेहकाने विस्वसिरा मुल बेगा बेस ताकिह्तोर, अगा देवुळता सेतेम पोल्लो नितहता.✧

16 ओसो किर्स्तुना लोप्पा, देवुळ पड्ने कीतव पोल्लोड पका असलताड मन्हताड, इद करलिये.✧

“किर्स्तु मान्वल आसि माक दिसतोग.✧

ओग देवुळता मग इन्जि, पवित्र जीवा तोहता.

ओग हामुरताहि तेग्कतस्के, देवतुल्क साक्सि मताड.✧

ओग तना डीसाते कलियनाहु, देवुळि ओन पोगोन ओता.✧

ओना कबुर दुम्राड जातिनोरगा आबुर आता.

दुनियामेटोर लोकर ओन नमतोर.”✧

4

जोलताड कागहवालोर लोप्पा

1 इंजेके इव आक्रिताड दियाने बह बह आयगा, तेना लोप्पा देवुळता जीवा पड्ने वेहतहता,✧ केंजा. उच्चुर लोकर जोलताड कागहवालोरुड केंजिसि, विस्वसताहि लेसनुर.✧ नाळेह कीयनव देयहक कागहतपु, वेर कागहवालोर अविस्कनाड अडोड-उतुर्किन वेहतनुर.✧

✧ 3:13 3:13 मत्याल 25:21 ✧ 3:14-15 3:14-15 4:13 ✧ 3:14-15 3:14-15 इब्रितोर 10:21; 1 पत्रु 2:5 ✧ 3:14-15 3:14-15 2 तिमोति 2:19 ✧ 3:16 3:16 रोम सहरतोर 16:25 ✧ 3:16 3:16 योहन 1:14; 1 पत्रु 1:20 ✧ 3:16 3:16 लूकाल 24:4; 1 पत्रु 1:12 ✧ 3:16 3:16 मार्कल 16:19; 1 पत्रु 1:21 ✧ 3:16 3:16 रोम सहरतोर 16:26; कुलुसितोर 1:23; 2 तिसलुनितोर 1:10 ✧ 4:1 4:1 बळयिर 28:25; इब्रितोर 3:7 ✧ 4:1 4:1 2 तिसलुनितोर 2:3-7; 2 तिमोति 3:1; 2 पत्रु 3:3 ✧ 4:1 4:1 याकुब 3:15; 1 योहन 4:6

2 वेर इतेके, नाळेह केवालोर जोलहालोर. बेद्रम कासता कच दल्गताहक, (मेंदुल कर्विस बातय पुनो,) अद्रम वेर नेहना-लाग्वा बुदतुन मुर्तिय पुनोर.*

3 मर्मिङ् कीयलाह लागो,* ओसो बेव उचुक तिंडिनु तिनदलाह पोलो, इद्रम वेर काग्हतहोर.* (देवुळता विचर बारा अह इले.) अव तिंडिनु, देवुळता सेतेम पोल्लोतुन पुनवालोर विस्वसिर, तान जोहर कीसि तिनदना इन्जि, देवुळ अविस्किन पुटिह कीता.*

4 बह इतेके, नना पुटिह कीतव कतमे बेस मन्हाताड इन्जि, देवुळ इन्हाता. (इवु देवुळता कयदाहि वाताड इन्जि,) माट तान जोहर कीसि अविस्किन तिनदना,* (अस्के माट कळवोग् आयवल). अदिहक बेदाय तिडटुन पोलो इनदनद आयो.*

5 देवुळता पोल्लोते ओसो पार्तनाते, अद तिंडि देवुळता मुनेह बेस पोलिहता. (बह इतेके, सबे तिनदनव तिंडिङ बेसताडे इनजोर, ताना पोल्लो वेहतहता.)*

तिमोति बह मनदना

6 नना वेहतव इव पोल्लोङ् विस्वसिरिन काग्हा. निमा विस्वसताड पोल्लोनु, ओसो इचानाह केंजसोर वातिन अव बेसताड पोल्लोन कागयिसि, विस्वसते बेसतिन.* बेसताहक कुर्स्तु येसुना बेसतोग् सेवक आयकिन.*

7 सेळोस्क वेहतनव पीटोना लेहकाडाड, देवुळतुन सीता केवव पोल्लोनु, ओसो बुदलेवव पोल्लोन केंजमा.* मति निमा देवुळतुहक विचर वानाह पिसलाह, कागयसोर मनु.*

8 मेंदुलतुन बेस तासतेके, माक उचुने पायदा आस्ता,* मति देवुळतुहक विचर वानाह पिसतेके, सबे रीतिने पायदा आस्ता.* बह इतेक, अद्रम मतेके इंजेके वने, पया वने, देवुळता पिसमुळ दोर्किह कीयहनल इनजोर,* बेस-नेहना पुन्ज महनल.

9 इद पोल्लो सेतेमताये ओसो सबेदोर केंजना लायकता आंदु.

* 4:2 4:2 इपिसुसतोर 4:19 * 4:3 4:3 इन्जितोर 13:4 * 4:3 4:3 कुल्लुसितोर 2:16,23 * 4:3 4:3 पुटमुळि 1:29; 9:3; रोम सहरतोर 14:6; 1 कुरिततोर 10:31 * 4:4 4:4 रोम सहरतोर 14:6; 1 कुरिततोर 10:31 * 4:4 4:4 1 कुरिततोर 10:25-26 * 4:5 4:5 पुटमुळि 1:25,31; इन्जितोर 11:3 * 4:6 4:6 1:9-10 * 4:6 4:6 2 तिमोति 3:10 * 4:7 4:7 1:3-4 * 4:7 4:7 इन्जितोर 5:14 * 4:8 4:8 कुल्लुसितोर 2:23 * 4:8 4:8 6:3,5-6; 2 तिमोति 3:5 * 4:8 4:8 देवुळताड पाटाड 37:9; बुदताड पोल्लोङ् 19:23; मत्थ्याल 6:33

10 इद पोल्लोतेनाहक माट एपुर पेसनाह कहटेम कीतोम, ओसो लळेम आयलाह आतोम. ✧ जीवात मनदनद देवुळता पोगोन आसा तासतोम. ✧ अद सबेटोरिन पिसिह कीस्ता, कासा इतेके विस्वसिरिनु. ✧

11 इव पोल्लोना उकुम ईस कागहा. ✧

12 निमा लेयोनिन इनजोर, बोगे नीक पास्कमाकेग. ✧ मति निमा बेद्रम वळ्हकिहनिन, बेद्रम देवुळतुहक विचर वातप ताकिहनिन, बेद्रम जीवा कीय्हनिन, बेद्रम विस्वस कीय्हनिन, ✧ विस्वसिर इविन ऊळिसि, बेस कगयिर. ✧

13 नना अके वानाहजोम, ✧ देवुळता साङ्गमताड पोल्लोन विस्वसिरा मुनेह अर्वना, ओरिहक दीरा वानाह वेहतना, ओरिन कागहतना, ✧ इद कबळते मन.

14 विस्वसिराड मुख्यालोर नीवा पोगोन तमाड कय्क तासतोर, ✧ अह कीसि देवुळि इतद पोल्लो वेहचि, नीक ताना कबळतेनाहक निल्पिह कीतोर. ✧ अस्के देवुळता जीवाते नीक दोर्कतद बुदतुन मागडमा.

15 इवे पोल्लोन सीता कीसोर मन. इवे पोल्लोड वेहतप ताका. अस्के निमा विस्वसते बेर्ससोर दायनद सबेटोर मन्कलोरिहक दिसगा.

16 निमा बह पिसिहनिन, बेव पोल्लोड कागहतहनिन, इदिन सीतात तासा. अस्के नीकु ओसो नीवाड केंजवालोरिन वने, पिसिह कीया पगयकिन. ✧

5

तिमोति विस्वसिरा संगे बेद्रम मनदना

1 मुय्तोरिन दगाड एमा, मति ओरिन नीवा बाबाना लेहकाडोर इन्जि वळ्हका. ✧ लेयोर कोय्तोरिन, नीवाड दादाल-तमोरा लेहकाडोर इन्जि, ✧

2 सेळोस्किन नीवा तलिना लेहकाडाड इन्जि वळ्हका. लेया आस्किन नीवाड एलास्क-अकास्क इन्जि, बेदे गलत विचर केवा, बेसतल बुदते वळ्हका.

रांडे आस्किन ऊळेवाळे कीयनदिना लोप्पा

3 गतलेवव रांडे आस्किहक मान-दान ईम. ✧

✧ 4:10 4:10 1 कुरिततोर 15:10 ✧ 4:10 4:10 6:17 ✧ 4:10 4:10 योहन 4:42; 2 कुरिततोर 1:10; 1 तिमोति 2:3-4; 6:17 ✧ 4:11 4:11 5:7; 6:2 ✧ 4:12 4:12 1 कुरिततोर 16:11; तीतुस 2:15 ✧ 4:12 4:12 1:14 ✧ 4:12 4:12 तीतुस 2:7-8 ✧ 4:13 4:13 3:14-15 ✧ 4:13 4:13 2 तिमोति 3:15-17 ✧ 4:14 4:14 बळयिर 6:6; 1 तिमोति 5:22; 2 तिमोति 1:6 ✧ 4:14 4:14 1:18 ✧ 4:16 4:16 1 कुरिततोर 1:21 ✧ 5:1 5:1 तीतुस 2:2 ✧ 5:1 5:1 तीतुस 2:6 ✧ 5:3 5:3 बळयिर 6:1; 9:39

4 मति बेदाय रांडे आंचानाड पिलाड-पेकोर आयि, बापि इनवालोर पिलाड-पेकोर आयि मतेके, ओर मुने तमाय लोता रांडे आंचान अय कीयलाह कगयना. इद्रमलेहका मुने तम्क अय कीतदु तमा तलिन, काकोन, बापिन वने अय कीयना. इद्रम कीतिके, देवुळि गिर्दा आस्ता.✧

5 मति बोगे लेवा निटम वगय मनदनद रांडे आंचाळि, देवुळता पोगोन आसा तासिहता.✧ ओसो नऱका पिळ्विळ पियल-पोळदु, नाक सायता कीम सामि इनजोर, देवुळतुन अर्जि कीसोर ओसो पार्तना कीसोर मन्हता.✧

6 मति तमाय कुसितेनाहक पिसनव रांडे आस्कु, जीवात मतेक वने, डोलतप लेहकान मन्हताड.✧

7 अदिनेनाहक विस्वसिर बोन्के कसूर दिसवप मनदलाह, ओरिन उकुम ईम.✧

8 अहे ओसो बोगाय मन्कल, तना जीवातोरिन ओसो तना लोतोरिन अय केवेक अचोन, ओग विस्वस विळसतप लेहकान आतोग, ओग विस्वस केवोरिहकाय एक्वा लागवोग आंदोग.✧

9 दर्मम दोर्कतव आस्कनाड पेदिर्क रासतद सीटटगा, सबेटव रांडे आस्कनाड पेदिर्क रासनद आयो. सिरप मूड वीसाड वर्साड वयस मन्जि, ओर्वोगे मुजोहक अन्ज मतद✧ आंचाना पेदिर रासनदु.

10 ओसो, बेद्रमतविस्कनाड पेदिर्क रासना इनजोर वेहतहननः बेसता कबळ कीस्ता इनजोर दुषोर वळहननदु,✧ पिलाड-पेकोरिन अय कीतदु, दुषोरिन लोन केयिस जावा-एग ईतदु,✧ देवुळता मन्कलोरिन ओर्युलतदिना लेहका सेवा कीतदु, तिपलते मतोरिहक तोळ आतदु, बेसताड कबस्क कीयना विचरते मतदु, इद्रमता आंचाना पेदिरतुने रासनदु.

11 लेया आस्क रांडे आतेक अचोन, अविस्कनाड पेदिर्किन रासमा. बाराहक इतेके, अविस्कनगा मुनेता लेहकान किर्स्तुना सीता मनो. मति बेस्के मुजोहक दायनद गिर्दाता सीता पुटिहता, अस्के अव मुजोहक दायलाह विचर कीस्ताड.

12 अद्रम कीसि, मुने करल कीस मतदिन मिळहतहताड.* अदिनेनाहक

✧ 5:4 5:4 इपिससतोर 6:2-3 ✧ 5:5 5:5 1 कुरिततोर 7:34; 1 पत्र 3:5 ✧ 5:5 5:5 लुकाल 2:36-37; पिल्लिपितोर 4:6; 2 तिमोति 1:3 ✧ 5:6 5:6 2 तिमोति 3:6; तोहचीतव पोल्लोड 3:1 ✧ 5:7 5:7 4:11 ✧ 5:8 5:8 तीतुस 1:16 ✧ 5:9 5:9 3:2 ✧ 5:10 5:10 बळयिर 9:36; 1 तिमोति 6:18; तीतुस 2:7-8; 3:8; 1 पत्र 2:12 ✧ 5:10 5:10 3:2 * 5:12 5:12 बह इतेके: इव लेया रांडे आस्कु, विस्वसिरा मुडा सेवा कीयलाह, ओसोवने मर्मिड केवोम इन्जि, करल कीस मताड.

कसुरतव आस्ताड.

13 ओसो अव आस्क लोन बाताले कबळ केवोड, लोहक-लोहक वेलियिहताड. पकाय लंडाते मन्हताड, सिरप कबळतेन लंडा आयो मति, टेटे-टेटे वळ्हकसोर वने मन्हताड. दुस्रोना कबळतगा कय वाटिहताड, ✧ ओसो लाग्वाड पोल्लोड वळ्हकिहताड.

14 अदिनेनाहक लेया आंचाळ रांडे आतेक अचोन, कोटुलतोरिहक वळ्हकलाह अग दोर्कवाह, ✧ इद्रम कीयि: मुजोहक अनि, पिलाड-पेकोर कंजि, लोन पोस मनि. ✧

15 इद्रम बाराहक इहनन इतेके, इंजेकेन उचुक लेया रांडे आस्क, किर्स्तुनगडाहि लेसिसि देयहकना मुक्यानेके मिळन्दताड.

16 बेदाय विस्वसि आंचाना लोताड आस्क रांडे मतेके, अद अव आस्किन अय कीयना. विस्वसिरा मुडा पोगोन मोता वाटनद आयो. बेव रांडे आस्किन अय कीयलाह बोगे इलेग, अविस्किन विस्वसिरा मुलु अय कीयिर.

विस्वसिराड मुक्यालोरा लोप्पाडा पोल्लो

17 बोगाय विस्वसिरा मुक्याल, विस्वसिरा मुडुन बेस-नेहना ताकिह कीतोग इतेके, ओन्क बेस मान ईयना, ओसो बेस दान ईयना. ✧ कासा इतेके, देवुळता पोल्लोतुन वेहतना, कागहतना कीयनद कहटेम केवालोरिहक पका मान ईयना. ✧

18 देवुळता साङ्गमतगा इद्रम रासतद मन्हता: विसनद कोंदा कळातगा विसिहपा तिनि ✧ इनजोर रासतद मन्हता. अद्रमलेहकाने कबळ केवाहकु, बूति दोर्कना गावले. ✧ अदिनेनाहक विस्वसिरिन ताकिह केवालोर मुक्यालोरिहक, विस्वसिरा मुल बूति ईयना.

19 बोगाय विस्वसिरा मुक्याना पोगोन, कसुर ओपतेक अचोन, कमसेकम इर्वुर-मुवुर साक्सि एवालेवा, तान केंजमा. ✧

20 पापम कीतोर मुक्यालोरिन, विस्वसिरा मुडा मुनेह तेर्हा. ✧ अस्के दुसोर पापम केवा, रेयिस मनदनुर.

✧ 5:13 5:13 2 तिसलुनितोर 3:11; 1 पत्रु 4:15 ✧ 5:14 5:14 6:1 ✧ 5:14 5:14 1 कुरिततोर 7:9; तीतुस 2:5 ✧ 5:17 5:17 रोम सहरतोर 12:8 ✧ 5:17 5:17 1 तिसलुनितोर 5:12-13 ✧ 5:18 5:18 व्यवस्थाविवरण 25:4; 1 कुरिततोर 9:9 ✧ 5:18 5:18 लैव्यवस्था 19:13; व्यवस्थाविवरण 24:15; मत्याल 10:10; लूकाल 10:7 ✧ 5:19 5:19 व्यवस्थाविवरण 17:6; 19:15; मत्याल 18:16 ✧ 5:20 5:20 गलातितोर 2:14; इपिसुसतोर 5:11; 2 तिमोति 4:2

21 देवुळि, किस्तुं येसु, ओसो देवुळ आचतव देवतुल्लुकु, बेरा मुनेह नना नीक वेहतलाह आतनः* नना वेहतनव इव पोल्लोन पोस मन. मन्कलोरामोकम ऊळिस, बेदे कबळ केमा. सबेटोरिन उंदिय विचरते ताकिह कीम.

22 ओसो विस्वसिरा मुडुन ऊळेवाळे कीयलाह, मुक्थान निल्लिह कीकन इनजोरे, बोनाय पोगोन विचर केवालेवा, कंद्रेमते कयक तासिस निल्लिह कीयलाह ऊळमा.* पया इद्रमतोगा लाग्वोगा पेसतेके, निमा ओना पापमतगा कलियकिन.* निमा इतेक, पापमताहि जेक आम.*

23 (तिमोति, पवित्रते मनदकन इन्जि, वेट एगे उनजोर मनमा. निमा अमेसा बेमर आनाहकु, ओसो नीवा पोटा नोयनाहकु, उचुन ओयतद अंगुर जोमा वने उनु.)

24 (इद्रम चट्टिपेट मुक्थालोरिन निल्लिह केमा इनजोर, नना बाराहक वेहतहनन इतेकेः) उच्चुर मन्कलोराम पापम, दुसोरिहक पोळ्वने दिसिहता. ओरिन पर्हकिस एर्का कीयनामुनेन, ओरा पापम बुदतुन पुनदनाह आस्ता. मति उच्चुर मन्कलोराम पापम बार, अस्केडस्केन दिसो, पया पेगेके दिसिहता इनजोरे.

25 ओसो अद्रमलेहकाने वेल्लाटोराड बेसताड कबस्क वने, दुसोरिहक पोळ्वने दिसिहताड, दिसवेक तेला पया पेगेके लोकरिहक एर्का आयनुड.*

6

ओर्युलतोर विस्वसिर बह मनदना

1 दुसोरा कय इळन मनवालोर ओर्युलतोर विस्वसिर, तमा माल्कालोरिहक मान ईसि, अमेसा ओरा पोल्लोते वरेम आस मनदना.* अह मतेके, मन्कलोर ओरा बेसता कबळतुन ऊळिहतोर, अस्के देवुळता पेदिरतुन, ताना पोल्लोतुन बोगे पास्कोगा*.

2 विस्वसि ओर्युलतोना माल्काल वने, विस्वसि मतेक अचोन, नावा माल्काल नावा एंगेटोगा विस्वसि आंदोग, ओना पोल्लो केंजवेक बाताले आयो इनजोर, विचर कीयनद आयो. ओर्युलतोग बेस-नेहना कबळ कीतेक अचोन, माल्काहक पायदा

* 5:21 5:21 6:13; 2 तिमोति 2:14 * 5:22 5:22 3:10; 4:14 * 5:22 5:22 इपिसुसतोर 5:11 * 5:22 5:22 2 योहन 11 * 5:25 5:25 तोहचीतव पोल्लोड 14:13 * 6:1 6:1 इपिसुसतोर 6:5; कुलुसितोर 3:22 * 6:1 6:1 अद कालमते ओर्युल कबळ बेद्रम मंदु, इदिन पुनदलाह पुस्तकता आक्रिते पुनवव पोल्लोना अर्तमि, अगा ऊळट. * 6:1 6:1 5:14; तीत्स 2:5

दोर्किहता. ओग वने विस्वसि, देवुळि ओन जीवा कीता, अदिनेनाहक ओन्क इंका एक्वा सेवा कीसीयना.

निमा इव पोल्लोन काग्हचि, ओर्युलतोरिन इद्रम ताकलाह वेहा.✧

कोतान जीवा केवालोर लेसिह्तोर

3 इंजेके बोगाय माट काग्हतव पोल्लोन विळिससि, दुस्राड पोल्लोड काग्हतहतोग, मावा येसुसामि किर्स्तुनाड सेतेम पोल्लोन✧ केंजोग आस्तोग, अमेसा देवुळतुहक विचर वानाह, पिसिह कीयनव सेतेम पोल्लोन✧ वने केंजोग आस्तोग;✧

4 अद्रमतोग पकाय पोमाडेड आतोग, मुर्तिय बातय पुनोग, ओना बुदि करब आताहकु, पोल्लोने गिटोगटो आस्तोग.✧ ओसो उड्लाड-उड्लाड पोल्लोन बेराड कीसि जळम पुटिह कीयलाह आस्तोग.✧ अदिनेनाहक ओनगडाह कुळसा पुटिहता, ओड पुटिहता, उस्कना-पास्कना पुटिहता, लाग्वा विचर कीयनद पुटिहता.✧

5 इद्रमतोर लाग्वा बुदतोर आंदुर, ओसो सेतेम पोल्लोताहि जेक आतोर,✧ रोमवालेवा जळम आसोर मन्हतोर. इद्रमतोर देवुळतुन माळिसि, पका कोताड कमय कीसि माक पायदा आस्ता इनजोर, विचर कीस्तोर.✧

6 मति मतेकाय, लेवेकाय, सुकमते मनदनदे बेसु.✧ अह मन्जि, देवुळतुहक विचर वानाह ताकतेकेने, बेरा पायदा दोर्किहता.✧

7 बह इतेके, माट बूमतगा पुटटस्के बाताले पोस वावल, अद्रमे हातस्के बाताले पोस दाया पगवल.✧

8 अदिनेनाहक मयगा तिनदलाह तिंडि ओसो केगयलाह गेंदेड मतेक अचोन, इवटेन गिर्दा आस मनदना.✧

9-10 कोतान जीवा कीयनाहके, सबे रीतिनाड लाग्वाड कबस्क पुटिहताड.✧ उच्चुर कोतानगा जीवा वाटटाहके, विस्वसताहि लेसतोर. ओसो वेल्लाय दुकमतुन, तमा जीवातगा ततोर. अदिहक मता मन्कलोर आयलाह विचर केवालोरगा,

✧ 6:2 6:2 4:11; 5:7 ✧ 6:3 6:3 1:9-10 ✧ 6:3 6:3 तीतुस 1:1-4 ✧ 6:3 6:3 रोम सहरतोर 16:17; 1 तिमोति 1:3-4; 4:8 ✧ 6:4 6:4 3:6 ✧ 6:4 6:4 बळयिर 18:15; 2 तिमोति 2:14 ✧ 6:4 6:4 1:3-4 ✧ 6:5 6:5 2 तिमोति 3:8; तीतुस 1:15 ✧ 6:5 6:5 तीतुस 1:11; 2 पत्रु 2:3 ✧ 6:6 6:6 पिलिपितोर 4:11; इब्रितोर 13:5 ✧ 6:6 6:5-6 4:8 ✧ 6:7 6:7 अय्यूब 1:21; सभोपदेशक 5:15 ✧ 6:8 6:8 बुदताड पोल्लोड 30:8; मत्याल 6:31; पिलिपितोर 4:11 ✧ 6:9-10 6:9-10 कुलुसितोर 3:5; 1 तिमोति 3:3

पापमते अर्हतनद दोका पुटिहता. ✧ (मोलुल वदतगा एक्कना लेहकान,) इद्रमता मनमुळ पापमता वदतके ओसीस्ता. ✧ ओरा जीवातगा बुदलेवव, दोकाताड विचर्क पुटिहताड, अव ओरिन पूरा बूळेम आयनके ओसीस्ताड. ✧

तिमोति बेद्रम मनदना इनजोर पोलु वेहतहतोग

11 मति तिमोति! (निमा वेर मन्कलोरा लेहका आयविन,) निमा देवुळता मन्कनिन. अदिनेनाहक इव लाग्वाड पोल्लोनाहि अबर विता. ✧ अविस्कनगडाह जेक मन्जि, इद्रमलेहका मनदलाह पर्हका: सेतेमते पिसना, देवुळतुहक विचर वानाह पिसना, ✧ विस्वसते ताकना, जीवा कीयना, ✧ तिपलते विस्वसतुन विळसवा मनदना, ✧ कुलुल बुदते मनदना.

12 विस्वसतेनाहक (बेचोन तिपल वातेक तेला, अदिना संगे) आरेम आयवा लळेम आम. ✧ अमेसाता पिसमुळतुन पका पोय्य, इदे पिसमुळतुहक देवुळि नीक केयता. ✧ इद पिसमुळ दोर्किह कीतन इनजोर, निमा वेल्लाटोर मन्कलोरा मुनेह साक्सि वेहतिन वने. ✧

13 सबेटविस्किहक जीवा ईयनद देवुळता मुनेह, ओसो पुन्तियु पिलाति गुमसिहक सेतेम पोल्लोता साक्सि ईतोग किर्स्तु येसुना मुनेह, ✧ इंजेके नना नीक उद उकुम ईयलाह आतन. ✧

14 इतेके, नना नीक वेहतव पोल्लोन तपवालेवा, नियगा कसुर दिसवपु, केंजिस ताका. मावा येसुसामि किर्स्तु ओसो वानाहजोम, ✧ केंजसोर मन.

15 ओग वायनद कगोते, ✧ देवुळि ओन दिसिह कीयगा. डीसाता देवुळि पूरा दुनियातुन ताकिह कीयनद अदे, राजालोरा राजाल अदे, सामिरा सामि अदे आंदु. ✧

16 बेस्केन डोलवदु अदे, ✧ अद बोगे एवया पगवद वेहचतगा मन्हता, ✧ तान बोगे मन्कल ऊळोग, ओसो बेस्केन ऊळ वने पगवोग, ✧ ताने सबेटोर मान ईयिर. राजेम

✧ 6:9-10 6:9-10 बुदताड पोल्लोड 15:27; 23:4; 28:20; लूकाल 12:21 ✧ 6:9-10 6:9-10 3:7 ✧ 6:9-10 6:9-10 तीतुस 2:12; याकुब 5:1 ✧ 6:11 6:11 2 तिमोति 2:21-22 ✧ 6:11 6:11 2 तिमोति 3:17 ✧ 6:11 6:11 1:14 ✧ 6:11 6:11 2 तिमोति 3:10 ✧ 6:12 6:12 1 कुरिततोर 9:25-26; पिलिपितोर 1:30; 1 तिमोति 1:18; यहूदाल 3-4 ✧ 6:12 6:12 पिलिपितोर 3:12 ✧ 6:12 6:12 2 तिमोति 2:2 ✧ 6:13 6:13 मत्याल 27:2; योहन 18:37 ✧ 6:13 6:13 5:21 ✧ 6:14 6:14 2 तिसलुनितोर 2:8 ✧ 6:15 6:15 2:6 ✧ 6:15 6:15 1:17; तोहचीतव पोल्लोड 17:14; 19:16 ✧ 6:16 6:16 1:17 ✧ 6:16 6:16 देवुळताड पाटाड 104:2; याकुब 1:17; 1 योहन 1:5,7 ✧ 6:16 6:16 योहन 1:18; 1 योहन 4:12

कीयनद लाव, अमेसा-अमेसातुहक तानाय मनि. अहे आयि.✧

17 इद दुनियातोर मता मन्कलोरिन✧ इद्रम उकुम ईमः ओर पोगयसोर तिरियमाकिर.✧ कोताड नेंड मन्हताड, नाळि मनोड. अदिनेनाहक कोताना पोगोन आसा तासमाकिर, मति देवुळता पोगोन आसा तासिर.✧ माट सुकमते मनदलाहि, अदे माक सबे मादुन आलिस पिसनाह ईस्ता.✧

18 मता मन्कलोर बेसताड कबस्क कीसोर मनिर. (कोताने मता मन्कल आयना लेहका,) बेसताड कबस्कने मता मन्कलोर आयिर, चिच्टम आयमाकिर. बेदाय मादुन दुसोरिहक तूसिसीयिर.✧(तिमोति! इद्रम मनदलाहि, ओरिन उकुम ईम.)

19 ओर इद्रम मतेक अचोन, पोगोन देवुळता जागातगा, पका बर्कत जमा कीतप आस्ता.✧(लोता जोता दोहतना लेहकान,) अगा मनदलाह जोता दोहतप लेहकान आस्ता. अस्के बह पिसना इन्जि, देवुळता विचर मन्हता, अद्रमे ओर पिसनुर.

20 मन्कलोर देवुळतुन सीता केवा, लाग्वाड-लाग्वाड वेहतहतोर. (माट कागहतद पोल्लोतुन विळिसस,) एल्लम पोल्लो कागहतहतोर; ओसो अदिन निटम बुदता पोल्लो इन्हतोर. तिमोति, निमा ओरगा अनमा,✧ मति देवुळि नीवा कयदे ईतद कबळतुन बेस-नेहना तासा.✧

21 उचवुर अद बुदता पोल्लो दोर्किह कीतोम इनजोर इन्हतोर, मति तमा विस्वसताहि पेके अरतोर;✧(ओरगा निमा अनमा.) देवुळि मीक देव्वा ईयि.✧

✧ 6:16 6:16 1:17 ✧ 6:17 6:17 2 तिमोति 4:9-11 ✧ 6:17 6:17 देवुळताड पाटाड 62:10; लूकाल 12:20; रोम सहरतोर 11:20 ✧ 6:17 6:17 4:10; 6:9-10 ✧ 6:17 6:17 बळयिर 14:17 ✧ 6:18 6:18 रोम सहरतोर 12:8; इपिसुसतोर 4:28; 1 तिमोति 5:10 ✧ 6:19 6:19 मल्याल 6:20 ✧ 6:20 6:20 कुलुसितोर 2:8; 2 तिमोति 2:16 ✧ 6:20 6:20 2 तिमोति 1:12,14 ✧ 6:21 6:21 2 तिमोति 2:18 ✧ 6:21 6:21 कुलुसितोर 4:18; 2 तिमोति 4:22

Hill Madia
Hill Madia standard translation

copyright © 2021 Wycliffe Bible Translators, Inc.

Language: (Maria)

Contributor: The Seed Company

All rights reserved.

2025-05-15

PDF generated using Haiola and XeLaTeX on 14 May 2025 from source files
dated 15 May 2025

9f0bdb58-21f8-514e-8286-5b2942b7d458